



ATAS OFISIAL DI SKOLAS KU IZAMIS DI ADMISON SESSON DI KONVERSAS KU KOMUNIDADI DI FORSA-TAREFA DI ADMISON

23 di Junhu di 2021

Forsa-tarefa di Admison di Skolas ku Izamis di Admison di Komitê Eskolar di Boston, realiza un sesson virtual di konversas ku komunidadí na dia 22 di Junhu di 2021, 16h00 di tardi na Zoom. Pa más informason sobri kalker un di kes itens indikadu dibaxu, visita www.bostonpublicschools.org/schoolcommittee ò manda un email pa https://www.bostonpublicschools.org/esataskforce,feedback@bostonpublicschools.org, ò txoma Skritório di Komitê di Skolas di Boston pa (617) 635-9014.

PRIZENSA

Menbrus di komitê di skolas di Boston prizenti na runion: Prezidenti Jeri Robinson; i representante di alunus Xyra Mercer.

Menbrus di komitê di skolas di Boston ki ka staba na runion: Hardin Coleman; Ernani DeAraujo; Quoc Tran; i Vice Prezidenti Michael D. O'Neill.

Menbrus di Forsa-tarefa di Skolas ku Izamis di Admison prizenti na runion: Co-prezidenti Michael Contompasis; Co-prezidenti Tanisha Sullivan (txiga dipos di komentário di publiku); Acacia Aguirre (txiga dipos ki txomadu nomi di menbrus); Simon Chernow; Katherine Grassa (txiga dipos ki txomadu nomi di menbrus); Zena Lum (txiga dipos ki txomadu nomi di menbrus); i Rachel Skerritt (txiga dipos ki txomadu nomi di menbrus).

Menbrus di Forsa-tarefa di Skolas ku Izamis di Admison ki ka staba prizenti na runion: Samuel Acevedo; Matt Cregor; Tanya Freeman-Wisdom; Zoe Nagasawa; Rosann Tung; i Tamara Waite.

DUKUMENTOS PRIZENTADUS

[Agenda](#)

[Atualizason di Forsa-tarefa di Admison di Skolas ku Izami di Admison na putensial konsiderasons, 16 di junhu di 2021](#)

RUNION STA BEN KOMENSA

Sr. Contompasis konvoka runion pa komensa i da boas-vindas pa menbrus i audiensia. Sra. Sullivan txoma nomis di menbrus di Komitê di Skolas. Prezidenti Jeri Robinson i representante di alunus Xyra Mercer staba prizenti. Hardin Coleman; Ernani DeAraujo, Quoc Tran, i Vice Prezidenti Michael D. O'Neill ka staba na runion. Senhora Parvex txoma nomis di menbrus di Forsa-Tarefa. Co-prezidenti Michael Contompasis i Simon Chernow staba prizenti. Co-prezidenti Tanisha Sullivan, Acacia Aguirre, Katherine Grassa, Zena Lum i Rachel Skerritt txiga dipos ki txomadu nomis di menbrus. Samuel Acevedo, Matt Cregor; Tanya Freeman-Wisdom; Zoe Nagasawa; Rosann Tung, i Tamara Waite ka staba na runion.

Sr. Contompasis anunsia ki servisu di interpretason simultaniu staba dispunivel na Spanhol, kriolu di Haiti, kriolu di Cabo Verde, Vietnamese, Xinês cantonese, Xinês mandarin, português, somali i árabe; kada interprete introduzi ses kabesas i es fla kes prizentis na ses propi lingua, modi ki es podia troka kanal na Zoom pa es ases interpretason simultaniu. El pidi diskulpa ki Komitê ka foi kapaz di konsigi interpretason na Lingua Gestual Merkanu (ASL) pa es session. El splika ki pididu pa Interpreters di ASL ten aumentadu txeu duranti pandemia visto ki más organs publikus sta realiza runion virtual. BPS ta kontinua ta trabadja ku ses parserus di stadu na es asuntu. Funsionários ativa funson di legenda/subtitulo.

Sra. Robinson agradesi forsa-tarefa pa ses trabadju. El enkoraja pesoas pa lê atualizason na árias di konsiderason putensial ki forsa-tarefa prizenta pa Komitê di skolas na dia 16 di junhu. Forsa-tarefa ta prizenta se pulitika final di rekomendason pa Komitê di skolas na dia 30 di junhu. Komitê ta vota na Pulitika di Admison di Skolas ku Izamis na dia 14 di julhu. El pidi prizentadores pa ser ruspeitozu i el fla ki diskursus di odio é proibidu.

KOMENTÁRIO DI PUBLIKU JERAL

- Steve Yang, residente di West Roxbury, pai di alunu di St. Mary of Assumption, testifika sobri konpozison di Admison di Skolas ku Izamis di Admison.
- Anna Dore, residenti di West Roxbury, mãe di alunu di Skola Kilmer K-8, testifika en relason a seleson di prioridadi na un prusessu di admison di lotaria.
- Mike Heichman, residente di Dorchester, menbru di Boston Education Justice Alliance (BEJA), testifika en favor di elimina skolas ku izamis di admison.
- Patricia Kinsella, residente di Northfield, testifika en relason a uzu di notas di izamis na prusesu di admison.
- Khymani James, residenti di Brighton, testifika en favor di elimina skolas ku izamis di admison.
- Rachel Miselman, residenti di East Boston, testifika en favor di priserva rigor di Skola ku Izamis di Admison i spandi oportunitadís di aprendizagen di altu kualidadi na skolas primárias i na skolas ki ka ten izamis di Admison.
- Travis Marshall, residenti di Roslindale, pai di alunu di Skola Primário di Bates, menbru di Edukason di Kualidadi pa Kada Alunu (QUEST, pa ses siglas na inglês), enkoraja forsa-tarefa pa ten menti abertu i pa kria un novu pulitika di admison.
- Shirley Chen Weng, residente di Brighton, mãe di alunu na skola primária di Josiah

Sesson virtual di konversas ku komunidad di Komitê di Skolas di Boston i forsa-tarefa di skolas ku izamis di admison

Zoom

23 di junhu di 2021

Quincy

- Suzie McClone, residenti di Back Bay, testifika sobri diskursu di odio.
- Teresa Pregizer, residenti di Roxbury, mãe, testifika en favor di spandi skolas ku izamis di admison.
- Cindy Tower-Loewen, ka residenti di Boston, testifika en favor di prolonga pulitika interinu pa más un ano.
- Dra. Vanessa Calderon-Rosado, direktora izekutiva di Inquilinos Boricuas en Acción (IBA), testifika en favor di aumenta oportunidadis pa tudu alunus.
- Shirley Chenweng, mãe di alunu di skola primária Josiah Quincy, testifika sobri modi ki korpu disenti di skola ten sidu inpaktadu pa pulitika di admison di skolas ku izamis di admison.

KOMENTÁRIOS FINAIS:

Sr. Contompasis agradezi kes pesoas ki da tistimunhu. El anuncia ki proximo runion virtual di Admison di Skolas Ku Izamis di Admison ta ser realizadu na kinta-fera 24 di junhu 5 óra di tardi. Forsa-tarefa ta prizenta ses rekomendason final pa Komitê di skolas na dia 30 di junhu.

Pur volta di 17:12 di tardi, komitê vota unanimamenti, atraves di xamada di nomis, pa konklui runion.

Atesta:



Elizabeth Sullivan
Sekretária Izekutiva